

كارتون الكتاب المقدس

ملخص الكتاب المقدس

المصدر [Bible App for Kids](#)

سؤال: هو الكتاب المقدس بيتكلم عن إيه؟

الإجابة: القصة الحقيقية لربنا و لنا ... و قد إيه ربنا بيحبنا

تعالوا نشوف إزاي

كارتون الكتاب المقدس - ملخص الكتاب المقدس



نشوف إيه في القصة دي؟

ربنا خلقنا على صورته و مثاله ... بيحبنا و عايزنا نستمتع بالعلاقة معاه و صداقته
بس إحنا غلطنا (لما آدم و حواء خالفوا وصية ربنا) ... و الخطية بوّظت كل حاجة
بس من محبة ربنا لينا، بعت لنا ابنه الوحيد ربنا يسوع المسيح ... عشان يفدينا و يحزّرنّا من الخطية ... و يصلحنا مع ربنا تاني
و بعد ما ربنا يسوع مات على الصليب عشان يدفع تمن خطايانا ... قام بعد 3 أيام و غلب الموت ... و صعد للسما
لكن ماسبناش لوحدنا ... بعت لنا الروح القدس اللي بناخده جوانا في سر الميرون بعد المعمودية ... الروح القدس هو اللي
بيساعدنا نعيش زي ربنا يسوع
و معانا كلمة ربنا (الكتاب المقدس) ... لقا نقراه نفهم خطة ربنا العظيمة لينا و قد إيه هو بيحبنا
و لقا نوّمن باللي عمله ربنا يسوع ... و نمشي وراه ... هنرجع تاني أصحاب لربنا

لأنه هكذا أحب الله العالم حتى بذل ابنه الوحيد، لكي لا يهلك كل من يؤمن به، بل تكون له الحياة الأبدية (يوحنا 3 : 16)

ربنا بيحب كل الناس ... كلهم من غير استثناء ... بما فيهم انت طبعاً ... و انت تقدر تبقى جزء من عيلة ربنا لما تمشي ورا ربنا
يسوع و تسمع كلامه

ال حاجات اللي المفروض نعملها؟

- 1



المدرسة بنروحها عشان نتعلّم

و الكتاب المقدس هو مدرستنا ... اللي بتعلّمنا الحقيقة عن ربنا

لما أقراه باعرف قد إيه ربنا بيحبني ... و إزاي أعيش زي ربنا يسوع

- 2



المعلقة بنستخدمها عشان نؤكّل نفسنا

و كلمة ربنا هي أكل روحنا و قلبنا ... لازم نقراها باستمرار زي ما بناكل باستمرار

خصوصاً لما نبقى جعانيين حب أو فرح ... الإنجيل أحلى و أنضف أكل

- 3



مفتاح النور احنا بنستخدمه عشان نفتح أو نقفل النور

و الإنجيل هو المفتاح ده لنور قلبنا ... لما نقرا الإنجيل قلبنا ينور و يفهم ربنا ... و لو مقارينا هوش ... قلبنا هيضلّم

! **المشكلة:** ساعات بنزعل و نفتكر إن ماحدش بيحبنا و عايز يبقى صاحبنا ☹️

❓ **الحل:**

ربنا دائماً عايز يبقى صاحبنا
هي دي الحقيقة اللي بيعلمها لنا الإنجيل
و إحنا نقبل كده بإننا نصدق ربنا يسوع و نمشي على كلامه 😊

📖 تعالوا نحفظ مع بعض الآية:

كل الكتاب (الكتاب المقدس) هو موحى به من الله، ونافع للتعليم والتوبيخ، للتقويم والتأديب الذي في البر (تيموثاوس الثانية 3 : 16)

❓ يعني الكتاب المقدس هو اللي بينفعنا و يقول لنا الحقيقة عن ربنا

♥ تعالوا نطلي مع بعض:

يا رب ... أنا مؤمن إن ربنا يسوع مات على الصليب عشان بدفع تمن غلطاتي أنا ... أؤمن إنه قام في اليوم الثالث و غلب الموت ... و بكده بقيت أنا حر
ساعدني يا رب أعرفك أكثر و أعيش زي ربنا يسوع
ساعدني أحب الإنجيل عشان أعرفك و أعرف محبتك لي
أمين

تعالوا نفكر إن ربنا بيحب كل واحد فينا ... و عايز يبقى صاحب كل واحد فينا

